



කවිදූෂ්ප ණනීති

ධම්මවිචය

කවිදප්පණනීති

පටුන

මානිකා	1
රතනත්තයපණාම	4
පණ්ඩිතකණ්ඩ	4
සුජනකණ්ඩ	23
බාලදුප්පනකණ්ඩ	26
රාජකණ්ඩ	32
නායක කණ්ඩ	35
පුත්තකණ්ඩ	35
වෙස්පාවරිය කණ්ඩ	36
දාසක කණ්ඩ	37
ඉත්ථිකණ්ඩ	37
පකිණ්ණකකණ්ඩ	39
කවිදප්පණනීති	42
පණාම පටිඤ්ඤා	43

“ධම්මා සුතා ධාතා වචසා පරිචිතා මනසානුපෙක්ඛිතා දිට්ඨියා සුඡපට්ඨිතා.”

(මහා සුඤ්ඤත සුත්තං; මජ්ඣිම නිකායො, උපරිපණ්ණාසකො, සුඤ්ඤත වග්ගො.)

පටුන සංස්කරණය - භික්ඛු ධම්මවිහාරී

(ජව්ව සංගායනා ත්‍රිපිටක වැඩසටහනින් උපුටා සකසන ලදී)

නමො තස්ස භගවතො අරහතො සම්මාසම්බුද්ධස්ස

කවිදප්පණනීති

මාතිකා

යථාධම්මිකරාජ්ජනං, අමච්චා ව පුරොහිතා;
නීතිසත්ථං සුනිස්සාය, නිව්ඡයන්ති විනිව්ඡයං.

අඬිගානි වෙදා චත්තාරො, මීමංසානායාය විත්ථාරො;
ධම්මසත්ථං පුරාණඤ්ච, විජ්ජා හෙතා චතුද්දස.

ආයුබ්බෙදො මනුබ්බෙදො, ගන්ධබ්බො වෙති තෙ තයො;
අත්ථසත්ථං චතුත්ථඤ්ච, විජ්ජාභ්‍යාට්ඨරස මතා.

සුතිසමුතිසඬ්ඛ්‍යා ව, රොගානීති විසෙසකා;
ගන්ධබ්බො ගණිකා වෙච, ධනුබ්බෙදා ව පුරණා.

තිකිච්ඡා ඉතිභාසො ව, ජොතිමායා ව ඡන්දති;
කෙතුමන්තා ව සද්දා ව, සිජ්ජාට්ඨාරසකා ඉමෙ.

දමො දණ්ඨො ඉතිබ්‍යාතො, තට්ඨාදණ්ඨො මහීපති;
තස්ස නීති දණ්ඨනීති, නයනානීති වුච්චති.

දණ්ඨෙත නියතෙ වෙදං, දණ්ඨං නයති වා පුත;
දණ්ඨනීති ඉතිබ්‍යාතො, තිලොකා නති චත්තතෙ.

නානාසත්ථොද්ධතං චක්ඛෙ, රාජනීති සමුච්චයං;
සබ්බබ්ඡම්ඤ්ඤං සත්ථං, වාණකාය සාරසඬ්ඛනං.

මූලසුත්තං පචක්ඛාමි, වාණකොන යථොදිතං;
යස්සං විඤ්ඤාතමත්තෙන, මුළුභො භවති පණ්ඩිතො.

මිත්තලාහො සුභද්දහෙදො, විග්ගහො සන්ධිරෙව ව;
පඤ්චතන්ද්‍රා තථාඤ්ඤස්මා, ගන්ථා කස්සියලිඛයතෙ.

ලොකනීතිමිහා —

කවිදප්පණනීති

(1) පණ්ඩිතකණ්ඩ. (2) සුජනකණ්ඩ. (3) බාලදුජ්ජන කණ්ඩ. (4) මිත්තකණ්ඩ. (5) ඉත්ථිකණ්ඩ. (6) රාජකණ්ඩ. (7) පකිණ්ණක කණ්ඩ-

ලොකනීති -

පණ්ඩිතො සුජනො කණ්ඩො, දුජ්ජනො මිත්තඉත්ථි ව;
රාජපකිණ්ණකො වාති, සත්තකණ්ඩෙ විභූසිතො.

චක්කිත්ථාහිසිරිනායං, සොධිතො කාසිකෙ සාකෙ;
ජනොත්තං දුතියාසල්ලෙ, කාලසත්තම ආදිලෙ.

ලොකනීතිං පචක්ඛාමි, නානාසත්ථසමුද්ධටං;
මාගධෙනෙව සඬ්ඛෙපං, වන්දිත්වා රතනත්තයං.

නීති ලොකෙ පුරිසස්ස සාරො,
මාතා පිතා ආචරියො මිත්තො;
තස්මා හි නීතිං පුරිසො විජඤ්ඤා,
ඤාණිමහා භොති බහුස්සුතො.

මහාරහනීති -

(1) පණ්ඩිතකථා. (2) සම්භෙදකථා. (3) මිත්තකථා. (4) නායක කථා.
(5) ඉත්ථිකථා

මහාරහ රහංසකාය-මුනිං නිවරණා තණ්හා;
මුත්තං මුත්තං සුදස්සනං, වන්දෙ බොධිවරං වරං.

නීතිධ ජන්තුනං සාරො, මිත්තාවරියා ව පිතරො;
නීතිමා සුබුද්ධිබ්බත්තො, සුතවා අත්ථදස්සිමා.

ධම්මනීති -

(1) ආචරියකථා (2) සිප්පකථා (3) පඤ්ඤාකථා (4) සුතකථා (5)
කථානකථා (6) ධනකථා (7) දෙසකථා (8) නිස්සයකථා (9) මිත්තකථා
(10) දුජ්ජනකථා (11) සුජනකථා (12) බලකථා (13) ඉත්ථිකථා (14)
යුත්තකථා (15) දාසකථා (16) සරාවාසකථා (17) කාතබ්බකථා (18)
අකාතබ්බකථා (19) ඤාතබ්බකථා (20) අලඬිකාරකථා (21) රාජධම්මකථා
(22) උපසෙවකකථා (23) දුක්ඛාදිමිස්සකකථා (24) පකිණ්ණකථා

චක්කාතිචක්කචක්කිත්දො, දෙවාතිදෙවාදෙවිත්දො,
බ්‍රහ්මාති බ්‍රහ්මබ්‍රහ්මිත්දො, ජිනො පුරෙතු මෙ භාවං.

විරං තිට්ඨතු ලොකමිහි, ධංසකං සබ්බපාණිනං;
මහාමොහතමං ජයං, ජොතන්තං ජිනසාසනං.

චන්දිත්වා රතනං සෙට්ඨං, නිස්සාය පුබ්බකෙ ගරු;
නීතිධම්මං පචක්ඛාමි, සබ්බලොක සුඛාවහං.

ආචරියො ච සිප්පඤ්ච, පඤ්ඤාසුතකථාධනං;
දෙසඤ්ච නිස්සයො මිත්තං, දුප්පතො සුප්පතො බලං.

ඉත්ථී පුත්තො ච දාසො ච, සරාවාසො කතාකතො;
ඤාතබ්බො ච අලභිකාරො, රාජධම්මා පසෙවකො;
දුක්ඛාදිමිස්සකො චෙව, පකිණ්ණකාති මාතිකා.

රාජනීති –

සිහා එකං බකා එකං, සික්ඛෙ චත්තාරි කුක්කුටා;
පඤ්ච කාකා රාජා නාම, ජ සුනක්ඛා තීණි ගදුභා.

1.

මහාකම්මං බුද්දකං වා, යං කම්මං කාතුමිච්ඡති;
සබ්බාරම්භෙන කාතබ්බං, සිහා එකං තදා භවෙ.

2.

ඉන්ද්‍රියානි සුසංයම, බකොච පණ්ඩිතො භවෙ;
දෙසක ලොමපන්නානි, සබ්බකම්මානි සාධයෙ.

3.

පුබ්බට්ඨානඤ්ච යුද්ධඤ්ච, සංවිභාගඤ්ච බන්ධු හි;
ථියා අක්කම්ම භුත්තඤ්ච, සික්ඛෙ චත්තාරි කුක්කුටො.

4.

ගුය්හෙ මෙථුනං පෙක්ඛිත්වා, භොජනං ඤාතිසඨ්ඨගහො;
විලොකා පෙක්ඛනාලසාං, පඤ්ච සික්ඛෙය්‍ය වායසා.

5.

අනාලස්සංතිසචන්තාසො, සුනිද්ධා සුප්පබොධනා;

කවිදප්පණනීති

දළ්භහත්ති ව සුරඤ්ච, ඡ එතෙස්වානතො ගුණො.

6.

බින්නොව වහතෙ භාරං, සිතුණ්භඤ්ච න වින්තයි;
සන්තුට්ඨො ව භවෙ නිව්චං, තිණි සික්ඛෙය්‍ය ගද්භා.

7.

විසති තානි ගුණානි, වරෙය්‍ය ඉහ පණ්ඨිතො;
විජෙය්‍ය රිපු සබ්බෙපි, තෙජස්සි සො භවිස්සති.

(1) පණ්ඨිතකණ්ඩ (2) සුජනකණ්ඩ (3) බාලදුජ්ජනකණ්ඩ (4)
මිත්තකණ්ඩ (5) රාජකණ්ඩ (6) නායකකණ්ඩ (7) පුත්තකණ්ඩ (8)
වෙජ්ජාවරියකණ්ඩ (9) දාසකකණ්ඩ (10) ඉත්ථිකණ්ඩ (11)
පකිණ්ණකකණ්ඩ

කවිදප්පණනීතිංයො, වාචුග්ගතං කරොති වෙ;
භුවනමජ්ඣෙ ඵසො හි, විඤ්ඤ පණ්ඨිතජාතිකො.

කවිදප්පණනීති

නමො තස්ස භගවතො අරහතො සම්මාසම්බුද්ධස්ස

රතනත්තයපණාම

1.

මහාකවිවරං බුද්ධං, ධම්මඤ්ච තෙන සෙවිතං;
සඬ්ඝං නිරඬ්ගණඤ්චාපි, වන්දාමි සිරසා දරං.

2.

කරිස්සාමි සමාසෙන, නානාසත්ථ සමුද්ධටං;
හිතාය කවිනං නීතිං, කවිදප්පණනාමකං.

පණ්ඨිතකණ්ඩ

3.

නීති සාරො මනුස්සානං, මිත්තො ආවරියොපි ව;
මාතා පිතා ව නීතිමා, සුතවා ගන්ථකාරකො.

4.

අලසස්ස කුතො සිජ්ජං, අසිජ්ජස්ස කුතො ධනං;

අධනස්ස කුතො මිත්තං, අමිත්තස්ස කුතො සුඛං;
අසුඛස්ස කුතො පුඤ්ඤං, අපුඤ්ඤස්ස කුතො වරං.

5.

සුවින්නිතවින්නී වෙව, සුභාසිතභාසිපි ව;
සුකතකම්මකාරී ව, පණ්ඩිතො සාධුමානුසො.

6.

කච්චෙරඤ්ඤකා කත්වා, උත්තත්තං සත්ථකඤ්චනං;
භූසනං ගජ්ජපජ්ජාදිං, කරොන්ති ව මනොහරං.

7.

බහුං ලහුඤ්ච ගහණං, සම්මුපධාරණමපි ව;
ගහිත අසම්මුස්සනං, එතං සුවිඤ්ඤාලක්ඛණං.

8.

අජරාමරංව පඤ්ඤො, විජ්ජමත්ථඤ්ච වින්තයෙ;
ගහිතො ඉව කෙසෙසු, මච්චුනා ධම්මමාවරෙ.

9.

සිප්පසමං ධනං නත්ථි, සිප්පං වොරා න ගණ්හරෙ;
ඉධ ලොකෙ සිප්පං මිත්තං, පරලොකෙ සුඛාවහං.

10.

භුඤ්ජනත්ථං කථනත්ථං, මුඛං භොතීති නො වදෙ;
යං වාතං වා මුඛාරුජ්ඣං, වචනං පණ්ඩිතො නරො.

11.

දුම්මෙධෙහි පසංසා ව, විඤ්ඤාහි ගරභා ව යා;
ගරභාව සෙය්‍යා විඤ්ඤාහි, යඤ්චෙ බාලජ්ජසංසනා.

12.

අවින්නියෙ සාට්ඨකථෙ, පණ්ඩිතො ජිනභාසිතෙ;
උපදෙසං සදා ගණ්හෙ, ගරුං සම්මා උපට්ඨහං.

තස්මා සාට්ඨකථෙ ධීරො, ගම්භීරෙ ජිනභාසිතෙ;
උපදෙසං සදා ගණ්හෙ, ගරුං සම්මා උපට්ඨහං.

13.

ගරුපදෙසහිනො හි, අත්ථසාරං න වින්දති;
අත්ථසාරවිහිනො සො, සද්ධම්මා පරිභායති.

14.

ගරුපදෙසලාහී ව, අත්ථසාරසමායුතො;
සද්ධම්මං පරිපාලෙන්තො, සද්ධම්මස්මා න භායති.

15.

සබ්බදබ්බෙසු විජ්ජෙව, දබ්බමාහු අනුත්තරං;
අභාරත්තා අනග්ගත්තා, අක්ඛයත්තා ව සබ්බදා.

16.

අප්පකෙනපි මෙධාවී, පාහතෙන විචක්ඛණො;
සමුට්ඨාපෙනි අත්තානං, අණුං අග්ගිංව සන්ධමං.

17.

පණ්ඩිතෙ ව ගුණා සබ්බෙ, මුල්ලෙහ දොසා හි කෙවලං;
තස්මා මුල්ලහසහස්සෙසු, පඤ්ඤො එකො විසෙසියතෙ.

18.

බාලා ඉස්සන්ති දුම්මෙධා, ගුණී නිද්දොසකාරිනො;
ගරුකො පණ්ඩිතො එතස්මිස්සං තෙභ්‍යවිද්වා සමො.

19.

මනුඤ්ඤමෙව භාසෙය්‍ය, නාමනුඤ්ඤං කුදාවනං;
මනුඤ්ඤං භාසමානස්ස, ගරුං භාරං උද්ද්ධරි;
ධනඤ්ච නං අලාභෙසි, තෙන චත්තමනො අහු.

20.

විජ්ජා දදාති විනයං, විනයා යාති පත්තනං;
පත්තත්තා ධනං පජ්ජෙති, ධනා ධම්මං තතො සුඛං.

21.

යෙ වුඩ්ඨමපවයන්ති, නරා ධම්මස්ස කොවිදා;
දිට්ඨෙව ධම්මෙ පාසංසා, සම්පරායෙ ව සුග්ගතිං.

22.

මාතරිව පරදාරෙසු, පරදබ්බෙසු ලෙද්දංව;
අත්තනීව සබ්බභූතෙසු, යො පස්සති සො පණ්ඩිතො.

23.

ආසිසෙට්ඨ පුරිසො, න නිබ්බිත්ථෙය්‍ය පණ්ඩිතො;
අනවජ්ජෙසු කම්මෙසු, පසංසිතෙසු සාධුහි.

ආසිසෙට්ඨ පුරිසො, න නිබ්බිත්ථෙය්‍ය පණ්ඩිතො;
පස්සාමි වොහං අත්තානං, යථා ඉච්ඡිං තථා අහු.

24.

වායමෙට්ඨ පුරිසො, න නිබ්බිත්ථෙය්‍ය පණ්ඩිතො;
පුඤ්ඤක්‍රියවත්ථුසු, පසංසිතෙසු විඤ්ඤහි.

25.

ලොකෙ උස්සාහවත්තානං, ජනානං කිමසාධියං;
සාගරෙපි මහාසෙනුං, කපියුට්ඨි ඛන්ධනි.

26.

කිං කුලෙන විසාලෙන, ගුණහීනො තු යො නරො;
අකුලිනොපි සත්ථඤ්ඤො, දෙවතාහිපි පුජ්ජතෙ.

27.

උක්කට්ඨෙ සුරම්ච්ඡන්ති, මන්තිසු අකුතුහලං;
පියඤ්ච අන්තපානම්හි, අත්ථෙ ජාතෙ ච පණ්ඩිතං.

28.

රූපයොබ්බන්තසම්පන්නා, විසාලකුලසම්භවා;
විජ්ජාහීනා න සොහන්තෙ, නිග්ගන්ධා ඉච්ඡි කිං සුකා.

29.

චුත්තං විසදඤ්ඤාණස්ස, ඤානො අත්ථො තරස්සන;
සුරජ්ජහාය ආදාසො, ඡායං දිස්සෙ න මාකරෙ.

30.

අවෙය්‍යාකරණො ත්වන්ධො, ඛධිරො කොසවජ්ජිතො;
සාහිව්චරහීනො පඬිගු, මුගො තක්කව්චජ්ජිතො.

31.

ධිරො ච විවිධානඤ්ඤා, පරෙසං විචරානුගු;
සබ්බාමිත්තෙ වසිකත්වා, කොසියොච සුඛි සියා.

32.
මහාතෙජොපි තෙජොයං, මත්තිකං න මුදුං කරෙ;
ආපො ආපෙසි මුදුකං, සාධුවාවාව කක්ඛලං.
33.
කොත්ථො පුත්තෙන ජාතෙන, යො න විදු න ධම්මිකො;
කාණෙන චක්ඛුනා කිං වා, චක්ඛු පිළෙව කෙවලං.
34.
මුදුනාව රිපුං ජෙති, මුදුනා ජෙති දාරුණං;
නො න සිද්ධං මුදු කිඤ්චි, තතො ච මුදුනා ජයෙ.
35.
සජාතො යෙන ජාතෙන, යාති වංසො සමුන්නතිං;
පරිවත්තිනිසංසාරෙ, මතො කො වා න ජායතෙ.
36.
දානෙ තපසි සුරෙ ව, යස්ස න පත්ථිතො යසො;
විජ්ජාය මත්ථලාභෙ ව, කෙවලං අධිකොවසො.
37.
වරො එකො ගුණි පුත්තො, න ච මුල්භසනාන්යසි;
එකො චන්දො තමො භනති, න ච තාරාගණො තථා.
38.
පුඤ්ඤතිත්ථකතො යෙන, තපො ක්වාපි සුදුක්කරො;
තස්ස පුත්තො භවෙ වස්සො, සමිද්ධො ධම්මිකො සුද්ධො.
39.
ලාලයෙ පඤ්චවස්සානි, දසවස්සානි තාලයෙ;
පත්තෙතු සොළසෙ වස්සෙ, පුත්තං මිත්තංව ආවරෙ.
40.
ලාලනෙ ඛහවො දොසා, තාලනෙ ඛහවො ගුණා;
තස්මා පුත්තඤ්ච සිස්සඤ්ච, තාලයෙ න තු ලාලයෙ.
41.
මාගධා පාකතා වෙව, සක්කතවොහාරොපි ව;
එතෙසු කොවිදො පඤ්ඤො, ධීරො පාළිං විසොධයෙ.

42.
සක්කතං පාකතඤ්චෙව-පහංසො ච පිසාවිකී;
මාගධි සොරසෙනිව, ඡ භාසා පරිකිත්තිතා.
43.
චන්දනං සීතලං ලොකෙ, චන්දිකා සීතලා තතො;
චන්දන චන්දිකාතොපි, වාක්‍යං සාධු සුභාසිතං.
44.
පත්තකාලොදිතං අප්පං, වාක්‍යං සුභාසිතං භවෙ;
බුද්ධස්ස කදන්තමිපි, භුත්තං සාදුරසං සියා.
45.
සත්ථකාපි බහුවාචා, නාදරා බහුභාණිතො;
සොපකාරමුදාසිනා, නනු දිට්ඨං නදීජලං.
46.
පාසාණජත්තං ගරුකං, තතො දෙවානාවික්ඛනා;
තතො වුඩ්ඨානමොවාදො, තතො බුද්ධස්ස සාසනං.
47.
තුලං සල්ලහුකං ලොකෙ, තතො වපලජාතිකො;
තතොනොසාවකො තතො, යති ධම්මපමාදකො.
48.
පණ්ඩිතස්ස පසංසාය, දණ්ඩො බාලෙන දීයතෙ;
පණ්ඩිතො පණ්ඩිතෙනෙව, චණ්ණිතොව සුවණ්ණිතො.
49.
සතෙසු ජායතෙ සුරො, සහස්සෙසු ච පණ්ඩිතො;
චුත්තා සතසහස්සෙසු, දාතා භවති වා න වා.
50.
විද්වත්තඤ්ච රාජත්තඤ්ච, නෙව තුල්‍යං කදාවිපි;
සදෙසෙ සුඡිතො රාජා, විද්වා සබ්බත්ථ සුඡිතො.
51.
සතං දීසායුකං සබ්බ-සත්තානං සුබකාරණං;
අසතං පන සබ්බෙසං, දුක්ඛහෙතු න සංසයො.

52.
පණ්ඩිතෙ සුජනෙ සන්තෙ, සබ්බෙපි සුජනා ජනා;
ජාතෙකස්මිං සාරගන්ධෙ, සබ්බෙ ගන්ධමයා දුමා.
53.
අත්තාව යදි විනීතො, නිජස්සිතා මහාජනා;
විනිතං යන්ති සබ්බෙපි, කො තං නාසෙය්‍ය පණ්ඩිතො.
54.
සරීරස්ස ගුණානඤ්ච, දුරමච්චන්තමන්තරං;
සරීරං බණ්ඩිද්ධංසි, කප්පන්තට්ඨාසිනො ගුණා.
55.
අම්බුං පිචන්ති නො නජ්ජො, රුක්ඛො බාදති නො ඵලං;
මෙඝො ක්වච්චි නො සස්සං, පරත්ථාය සතං ධනං.
56.
සච්චං පුනපි සච්චන්ති, භුජමුක්ඛිජ්ජ මුච්චතෙ;
සකත්ථො නත්ථි නත්ථෙච, පරස්සත්ථ මකුබ්බතො.
57.
සතං ඵරුසවාචාහි, න යාති විකතිං මනො;
තිණුක්කාහි න සක්කාව, තාපෙනුං සාගරෙ ජලං.
58.
සෙලො යථා ඵකසනො, වාතෙන න සමීරති;
ඵචං නින්දාපසංසාසු, න සමිඤ්ජන්ති පණ්ඩිතා.
59.
ධම්මත්ථකාමමොක්ඛානං, යස්සෙකොපි න විජ්ජති;
අජගලට්ඨස්සෙච, තස්ස ජාති නිරත්ථකා.
60.
න කම්මමපි චින්තෙත්වා, චජෙ උය්‍යාගමන්තනො;
අනුය්‍යාගෙන තෙලාති, තිලෙහි න සක්කා ලද්ධුං.
61.
යථා භොසකෙන චක්කෙන, න රථස්ස පති භවෙ;
ඵචං පුරිසකාරෙන, විනා කම්මං න සිජ්ඣති.

62.
උය්‍යාමෙන හි සිජ්ඣන්ති, කාරියානි න මනොරථං;
න හි සුත්තස්ස සිහස්ස, පවිසන්ති මිගාමුඛෙ.
63.
මාතාපිතු කතාභ්‍යාසො, ගුණිතමෙති බාලකො;
න ගබ්භජාතිමත්තෙන, පුත්තො භවති පණ්ඩිතො.
64.
මාතා සත්තු පිතා වෙරී, යෙන බාලො න පාඨිතො;
න සොහනෙ සහාමජ්ඣෙ, හංසමජ්ඣෙ බකො යථා.
65.
කාවො කඤ්චනසංසග්ගො, ධත්තෙ මරකතිං ජුතිං;
තථා සබ්භිසන්තිධානා, මුල්ලො යාති පවිණ්ණං.
66.
තස්මා අක්ඛරකොසල්ලං, සම්මාදෙය්‍ය නිතත්ථිකො;
උපට්ඨහං ගරුං සම්මා, උට්ඨානාදිහි පඤ්චහි.
67.
උට්ඨානා උපට්ඨානා, ච, සුස්සුසා පාරිවරියා;
සක්කච්චං සිජ්ජුග්ගහණා, ගරුං ආරාධයෙ බුධො.
68.
කාඛ්‍යසත්ථ විනොදෙන, කාලො ගච්ඡති ධිමතං;
ඛ්‍යසනෙන ච මුල්ලානං, නිදාය කලහෙන වා.
69.
ජ දොසා පුරිසෙතෙන, භාතබ්බා භූතිමිච්ඡතා;
නිද්දාතන්දි භයං කොධො, ආලසං දීඝසුත්තතා.
- නිද්දාසීලී සභාසීලී, අනුට්ඨානා ච යො නරො;
අලසො කොධපඤ්ඤාණො, තං පරාභවතො මුඛං.
70.
නිග්ගුණසුපි සත්තෙසු, දයා කුබ්බන්ති සාධවො;
න හි සංහරතෙ ජුතිං, චන්දො චණ්ඩාලවෙස්මෙ.

71.
යනු විද්වජ්ජනෝ නත්ථි, සීලාසොයා තනු අප්පධිපි;
නිරත්ථපාදමෙ දෙසෙ, ඵරණ්ඨොපි දුමායනෙ.
72.
යානහට්ඨා න සොහන්තෙ, දන්තා කෙසා නබා නරා;
ඉතිවිඤ්ඤාය මනිමා, සට්ඨානං න පරිච්චපේ.
73.
පරොපදෙසෙ පණ්ඩිච්චං, සබ්බෙසං සුකරඤ්ඤි බො;
ධම්මෙ සයමනුට්ඨානං, කස්සවිසුමහත්තනො.
74.
අප්පමාදං පසංසන්ති, පුඤ්ඤකිරියාසු පණ්ඩිතා;
අප්පමත්තො උභො අත්ථෙ, අධිග්ගණ්හාති පණ්ඩිතො.
75.
නිධිනංව පවත්තාරං, යං පස්සෙ වජ්ජදස්සිනං;
නිග්ගස්භවාදිං මෙධාවිං, තාදිසං පණ්ඩිතං භජේ;
තාදිසං භජමානස්ස, සෙයොයා හොති න පාපියො.
76.
මුහුත්තමපි වෙ විඤ්ඤ, පණ්ඩිතං පයිරුපාසති;
බ්ජ්ජං ධම්මං විජානාති, ජීවිහා සුපරසං යථා.
77.
දුල්ලභො පුරිසාජඤ්ඤො, න සො සබ්බත්ථ ජායති;
යත්ථ සො ජායතී ධිරො, තං කුලං සුඛ මෙධති.
78.
තගරඤ්ච පලාසෙන, යො නරො උපනස්භති;
පත්තාපි සුරති වායන්ති, ඵලං ධිරුපසෙවනා.
79.
නිපුණෙ සුතමෙසෙයා, විචිනිත්වා සුතත්ථිකො;
භත්තං උක්ඛලියං පක්කං, භාජනෙපි තථා භවෙ.
80.
අප්පකං නාතිමඤ්ඤෙයා, චිත්තෙ සුතං නිධාපයෙ;

වම්මිකොදකබිත්දූව, විරෙන පරිපූරති.

81.

ගවිජං කිපිල්ලිකො යාති, යොජනානං සතානිපි;
අගවිජං වෙනයොයාඅපි, පදමෙකං න ගවිජති.

82.

සෙලෙ සෙලෙ න මණ්ඩං, ගපෙ ගපෙ න මුත්තිකං;
වනෙ වනෙ න වන්දනං, යානෙ යානෙ න පණ්ඩිතො.

83.

පණ්ඩිතො සුතසම්පන්නො, යත්ථ අත්ථිති වෙ සුතො;
මහුස්සාහෙන තං යානං, ගන්තබ්බංව සුතෙසිනා.

84.

පොත්ථකෙසු ව යං සිප්පං, පරහත්ථෙසු යං ධනං;
යථාකිච්චෙ සමුප්පන්නො, න තං සිප්පං න තං ධනං.

85.

උප්පලෙන ජලං ජඤ්ඤා, කිරියාය කුලං නරො;
බ්‍යත්තිප්පමාණ වාචාය, ජඤ්ඤා තිණෙන මෙදනි.

ජලප්පමාණං කුමුදමාලං,
කුලප්පමාණං විනයොපමාණං;
බ්‍යත්තිප්පමාණං කථිතවාක්‍යං,
පථවියා පමාණං තිණමිලාතං —

86.

අප්පස්සුතො සුතං අප්පං, බහුං මඤ්ඤති මානවා;
සින්ධුදකමපස්සන්නො, කූපෙ තොයංව මණ්ඩුකො.

87.

පඨමෙ සිප්පං ගණ්හෙය්‍ය, එසෙය්‍ය දුතියෙ ධනං;
වරෙය්‍ය තතියෙ ධම්මං, එසා ජනාන ධම්මතා.

88.

සුස්සුසා සුත්තවද්ධනී, සුතං පඤ්ඤාය වද්ධනං;
පඤ්ඤාය අත්ථං ජානාති, අත්ථො ඤාතො සුබාවහො.

89.
නත්ථි විජ්ජාසමං මිත්තං, න ච ඛ්‍යාධිසමො රිපු;
න ච අත්ථසමං පෙමං, න ච කම්මසමං බලං.
90.
විනා සත්ථං න ගච්ඡෙය්‍ය, සුරො සඬිගාමභූමියං;
පණ්ඩිත්ථද්ධගු වාණිජො, විදෙසගමනො තථා.
91.
ධනනාසං මනොතාපං, සරෙ දුච්චරිතානි ච;
චඤ්චනඤ්ච අවමානං, පණ්ඩිතො න පකාසයෙ.
92.
අනවහායං ගමයන්තො, අපුච්ඡා බහුභාසකො;
අත්තගුණං පකාසන්තො, තිවිධො භීතපුග්ගලො.
93.
භංසො මජ්ඣෙකො න කාකානං, සීහො ගුන්තං න සොහනෙ;
ගද්‍රහමජ්ඣෙකො තුරඬිගො, බාලමජ්ඣෙකො පණ්ඩිතො.
94.
පත්තානුරූපකං වාක්‍යං, සභාවානුරූපං පියං;
අත්තානුරූපකං කොධං, යො ජානාති ස පණ්ඩිතො.
95.
අප්පරූපො බහුංභාසො, අප්පපඤ්ඤො පකාසකො;
අප්පපුරො සටො බොහෙ, අප්පඛිරා ගාවී චලෙ.
96.
න තිත්ති රාජා ධනමහි, පණ්ඩිතොපි සුභාසිතෙ;
චක්ඛුපි පියදස්සනෙ, න තිත්ති සාගරො ජලෙ.
97.
භීතපුත්තො රාජමච්චො, බාලපුත්තො ච පණ්ඩිතො;
අධනස්ස ධනංබහු, පුරිසානං න මඤ්ඤථ.
98.
යො සිස්සො සිප්පලොහෙන, බහුං ගණ්භාති තං සිප්පං;
මුගොච සුපිනං පස්සං, කට්ඨකුම්භි න උස්සහෙ.

99.

න හිජ්ජෙතුං කුම්භකාරො, සොහෙතුං කුම්භ සට්ඨි;
න ඛිජිතුං අපායෙසු, සිස්සානං වුඨ්ඨිකාරණා.

100.

අධනස්ස රසංඛාදො, අබලස්ස හතො නරො;
අප්පඤ්ඤස්ස වාක්‍යකරො, උම්මත්තක සමාහිබ්බො.

101.

එකෙනාපි සුරුක්ඛෙන, පුජ්ඪිතෙන සුගන්ධිනා;
වාසිතං කානනං සබ්බං, සුපුත්තෙන කුලං යථා.

102.

ඉණකත්තා පිතා සත්තු, මාතා ච බ්‍යභිචාරිනී;
හරියා රූපවතී සත්තු, පුත්තො සත්තු අපණ්ඩිතො.

103.

ගුණදොසමසත්ථඤ්ඤා, ජනො විහජතෙ කථං;
අධිකාරො කිමන්ධස්ස, රූපහෙදොපලද්ධියං.

104.

සබ්බත්ථ සත්ථතොයෙව, ගුණදොසවිචෙචනං;
යං කරොති විනාසත්ථං, සාහසං කිමතොධිකං.

105.

නිහියති පුරිසො නිහිතසෙවී,
න ච භායෙථ කදාචි තුල්‍යසෙවී;
සෙට්ඨමුපනමං උදෙති ඛිජ්ජං,
තස්මා අත්තනො උත්තරිං භජෙ.

106.

පච්චුජ්ජන්තඤ්ච යො ධම්මං, තත්ථ තත්ථ විපස්සති;
අසංහීරං අසංකුජ්ජං, තං විද්වා මනුබ්‍රහයෙ.

107.

ජන්ඨා දොසා භයා මොහා, යො ධම්මං නාතිවත්තති;
ආපුරති තස්ස යසො, සුක්කපක්ඛෙව චන්දිමා.

108.

පණ්ඩිතො සීලසම්පන්නො, සණ්භො ච පටිභානවා;
නිවාතවුත්ති අපද්ධො, තාදිසො ලහතෙ යසං.

109.

දුල්ලහං පාකතිකං වාක්‍යං, දුල්ලහො බෙමකරො සුතො;
දුල්ලහා සදිසි ජායා, දුල්ලහො සජනො පියො.

110.

අත්ථං මහන්තමාපජ්ජ, විජ්ජං සම්පත්තිමෙව ච;
චරෙය්‍යාමානපද්ධො යො, පණ්ඩිතො සො පවුච්චති.

111.

සුතසන්නිච්චයා ධීරා, තුණ්හිභූතා අපුච්ඡිතා;
පුණ්ණාසුභාසිතෙනාපි, සණ්ඨාදී සට්ඨිතා යථා.

112.

අපුට්ඨො පණ්ඩිතො හෙරී, පජ්ජුන්නො හොති පුච්ඡිතො;
බාලො පුට්ඨො අපුට්ඨො ච, බහුං විකත්ථතෙ සදා.

113.

පරුපවාදෙ බධිරො, පරවජ්ජෙ අලොචනො;
පඬිගුලො අඤ්ඤනාරිසු, දුස්සතක්කෙ අචෙනනො.

චක්ඛුමාස්ස යථා අන්ධො, සොතවා බධිරො යථා;
පඤ්ඤවාස්ස යථාමුගො, බලවා දුබ්බලොරිච;
අප් අත්ථෙ සමුප්පන්නෙ, සයෙථ මතසායිතං.

114.

පාපමිත්තෙ විවජ්ජෙත්වා, භජෙය්‍යුත්තමපුග්ගලං;
ඔවාදෙ චස්ස තිට්ඨෙය්‍ය, පත්ථෙන්නො අවලං සුඛං.

115.

අතිසීතං අතිඋණ්භං, අතිසායමිදං අහු;
ඉති විස්සට්ඨකම්මන්තෙ, අත්ථා අච්චෙන්ති මාණවෙ.

116.

යො ච සීතඤ්ච උණ්භඤ්ච, තිණාභියො න මඤ්ඤති;
කරං පුරිසකිච්චානි, සො සුඛං න විභායති.

117.

යස්මිංදෙසෙ න සම්මානො, න පියො න ච බන්ධවො;
න ච විජ්ජාගමො කොචි, න තත්ථ දිවසං වසෙ.

118.

ධනවා සුතවා රාජා, නදී වජ්ජො ඉමෙ පඤ්ච;
යත්ථ දෙසෙ න විජ්ජන්ති, න තත්ථ දිවසං වසෙ.

119.

නහස්ස භූසනං චන්දො, නාරීනං භූසනං පති;
ජමාය භූසනං රාජා, විජ්ජා සබ්බස්ස භූසනං.

120.

සුඛත්ථිකො සචෙ විජ්ජං, විජ්ජත්ථිකො චජෙ සුඛං;
සුඛත්ථිනො කුතො විජ්ජා, කුතො විජ්ජත්ථිනො සුඛං.

121.

බණ්ණන කණ්ණන චෙව, විජ්ජාමත්ථඤ්ච සාධයෙ;
බණ්ණවාගෙ කුතො විජ්ජා, කණ්ණවාගෙ කතො ධනං.

122.

ආචරියා පාදමාදන්තෙ, පාදං සිස්සො සජානනා;
පාදං සබ්බමචාරීහි, පාදං කාලක්කමෙන ච.

123.

ධම්මො ජයෙ නො අධම්මො, සච්චං ජයති නාසච්චං;
බ්මා ජයති නො කොධො, දෙවො ජයති නාසුරො.

124.

හත්ථස්ස භූසනං දානං, සච්චං කණ්ණස්ස භූසනං;
සොතස්ස භූසනං සත්ථං, භූසනෙ කිං පයොජනං.

125.

විදෙසෙතු ධනං විජ්ජා, බ්‍යසනෙසු ධනං මති;
පරලොකෙ ධනං ධම්මො, සීලං සබ්බත්ථ චෙ ධනං.

126.

පදොසෙ දීපකො චන්දො, පභාතෙ දීපකො රවි;
තිලොකෙ දීපකො ධම්මො, සුපුත්තො කුලදීපකො.

127.

විද්වා එව විජානාති, විද්වජ්ජනපරිස්සමං;
න හි වඤ්ඤා විජානාති, ගුරුං පසවච්චෙදනං.

128.

යස්ස නත්ථි සයං පඤ්ඤා, සත්ථං තස්ස කරොති කිං;
ලොචනෙන විහිනස්ස, දප්පණො කිං කරිස්සති.

129.

කිං කරිස්සන්ති චත්තාරො, සොතං යත්ථ න විජ්ජතෙ;
නග්ගකපණකෙ දෙසෙ, රජකො කිං කරිස්සති.

130.

මුල්භසිධස්සාපදෙසෙන, කුනාරීභරණෙන ච;
බලසත්තුහි සංයොගා, පණ්ඩිතොප්පාවසීදති.

131.

නත්ථි අත්තසමං පෙමං, නත්ථි ධඤ්ඤසමං ධනං;
නත්ථි පඤ්ඤාසමා ආහා, වුට්ඨි වෙ පරමා සරා.

132.

භුජඤ්ඤාං පාවකඤ්ඤා ඛත්තියඤ්ඤා යසස්සිනං;
හික්ඛුඤ්ඤා සිලසම්පන්නං, සම්මදෙව සමාවරෙ.

133.

තස්මා හි පණ්ඩිතො පොසො, සම්පස්සං අත්ථමත්තනො;
බුද්ධෙ ධම්මෙ ච සඤ්ඤා ච, ධීරො සද්ධං නිවෙසයෙ.

134.

ගුණො සෙට්ඨඤ්ඤා යාති, න උච්චෙ සයනෙ වසෙ;
පාසාදසිබ්බෙ වාසො, කාකො කිං ගරුලො සියා.

135.

අනාගතං භයං දිස්වා, දුරතො පරිවජ්ජයෙ;
ආගතඤ්ඤා භයං දිස්වා, අහිතො භොති පණ්ඩිතො.

136.

අසජ්ජාය මලාමන්තා, අනුට්ඨානමලා සරා;
මලං වණ්ණස්ස කොසජ්ජං, පමාදො රක්ඛතො මලං.

137.

අනුපුබ්බෙන මෙධාවී, ථොකං ථොකං බණෙ බණෙ;
කම්මාරො රජතස්සෙව, නිද්ධමෙ මලමත්තනො.

138.

යඤ්භි කයිරා තඤ්භි වදෙ, යං න කයිරා න තං වදෙ;
අකරොන්තං භාසමානං, පරිජානන්ති පණ්ඩිතා.

139.

විසමං සහයං අතිවානො, පටිච්ඡන්තං දෙවනිස්සිතං;
පන්ථො ව සඬිගාමො තිත්ථං, අට්ඨෙතෙ පරිවජ්ජියා.

140.

රත්තොදුට්ඨො ව මුල්ලො ව, මානී ලුද්ධො තථාලසො;
එකච්ඡන්ති ව බාලො ව, එතෙ අත්ථවිනාසකා.

141.

රත්තො දුට්ඨො ව මුල්ලො ව, භීරු ආමිසගරුකො;
ඉත්ථි සොණ්ඩො පණ්ඩකො ව, නවමො දාරකොපි ව.

142.

නවතෙ පුග්ගලා ලොකෙ, ඉත්තරා චලිතා චලා;
එතෙහි මන්තිතං ගුය්හං, බිජ්ජං භවති පාකට්ඨං.

143.

යො නිරුත්තිං න සික්ඛෙය්‍ය, සික්ඛන්තො පිටකත්තයං;
පදෙ පදෙ විකඬ්ඛෙය්‍ය, වතෙ අත්ඨගජො යථා.

144.

සුත්තං ධාතු ගණොණ්වාදි, නාමලිඬිගානුසාසනං;
යස්ස තිට්ඨති ජිව්හග්ගෙ, සබ්‍යාකරණකෙසරී.

145.

සද්දත්ථලක්ඛණෙ හෙදී, යො යො නිව්ජිතලක්ඛණෙ;
සො සො ඤාතුමකිව්ජෙන, පහොති පිටකත්තයෙ.

146.

යො සද්දසත්ථකුසලො කුසලො නිසණ්ඩු,
ජන්දො අලඬිකතිසු නිව්චකතාභියොගො;

සො යං කවිත්තවිකලොපි කවීසු සඬ්ඛ්‍යං,
මොග්ගස්භ වින්දති හි කිත්ති' මමන්දරූපං.

147.

සුක්ඛොපි චන්දනතරු න ජහාති ගන්ධං,
නාගො ගතො නරමුඛෙ න ජහාති ලීලං;
යන්තගතො මධුරසං න ජහාති උච්ඡ්‍ර,
දුක්ඛොපි පණ්ඩිතජනො න ජහාති ධම්මං.

148.

ධනධඤ්ඤප්පයොගෙසු, තථා විජ්ජාගමෙසු ච;
ආභාරෙ ඛ්‍යවහාරෙ ච, චන්තලජ්ජො සදා භවෙ.

149.

සාභාවිකී ච පටිභා, සුතඤ්ච බහුනිම්මලං;
අමන්දො වාහිසොගොයං, හෙතු හොතිහ ඛන්ධනෙ.

150.

ජහෙය්‍ය පාපකෙ මිත්තෙ, භජෙය්‍ය පණ්ඩිතෙ ජනෙ;
සාධවො අභිසෙවෙය්‍ය, සුඤ්ඤායා ධම්මමුත්තමං.

151.

කල්‍යාණකාරී කල්‍යාණං, පාපකාරී ච පාපකං;
යාදිසං චප්පතෙ ඛිජං, තාදිසං හරතෙ ඵලං.

152.

ජන්දො නිදානං ගාථානං, අක්ඛරා තාසං වියඤ්ජනං;
නාමසන්තිස්සිතා ගාථා, කවි ගාථානමාසයො.

153.

තස්මා හි පණ්ඩිතො පොසො, සම්පස්සං හිතමත්තනො;
පඤ්ඤචන්තංහිපුජෙය්‍ය, චෙතියං විය සාදරො.

154.

ධීරං පස්සෙ සුඤ්ඤා ධීරං, ධීරෙන සහසංචසෙ;
ධීරෙනල්ලාපසල්ලාපං, තං කතෙ තඤ්ච රොචයෙ.

155.

නයං නයති මෙධාවී, අධුරායං න යුඤ්ජති;

සුනග්‍රා සෙයාසො හොති, සම්මා වුත්තො න කුප්පති;
විනයං සො පජානාති, සාධු තෙන සමාගමො.

156.

සචෙ ලහෙථ නිපකං සභායං,
සද්ධිං චරං සාධුවිහාරි ධීරං;
අභිභූයා සබ්බානි පරිස්සයානි,
චරෙයා තෙනත්තමනො සතිමා.

157.

නො චෙ ලහෙථ නිපකං සභායං,
සද්ධිං චරං සාධුවිහාරි ධීරං;
රාජාව රට්ඨං විජිතං පභාය,
එකො චරෙ මාතඨගරඤ්ඤෙව නාගො.

158.

සොකට්ඨානසහස්සානි, භයට්ඨානසතානි ච;
දිවසෙ දිවසෙ මුල්ල-මාවිසන්ති න පණ්ඩිතං.

159.

ජලබ්න්දුනිපාතෙන, විරෙන පුරතෙ සට්ඨා;
තථා සකලවිජ්ජානං, ධම්මස්ස ච ධනස්ස ච.

160.

පණ්ඩිතා දුක්ඛං පත්ථාන, න භවන්ති විසාදිනො;
පවිස්ස රාහුතො මුඛං, කිං නො දෙති පුන සසී.

161.

ජචෙන අස්සං ජානන්ති, වාහෙන ච බලිබද්ධං;
දුහෙන ධෙනුං ජානන්ති, භාසමානෙන පණ්ඩිතං.

162.

මනසා චින්තිතං කම්මං, චචසා න පකාසයෙ;
අඤ්ඤලක්ඛිතකාරියස්ස, යතො සිද්ධි න ජායතෙ.

163.

අනභ්‍යාසෙ විසං විජ්ජා, අජිණ්ණෙ හොජනං විසං;
විසං සභා දලිද්දස්ස, වුද්ධස්ස තරුණි විසං.

චත්තාරො පඤ්ච ආලොපෙ, ආභුත්වා උදකං පිවෙ;
අලං ඵාසුචිභාරාය, පහිත්තස්ස හික්ඛුනො.

164.

යස්ස ඵසො පසුතොපි, ගුණවා පුජ්ජතෙ නරො;
ධනු වංසවිසුද්ධොපි, නිග්ගුණො කිං කරිස්සති.

165.

ඉස්සි දඨි අසංතුට්ඨො, කොධනො නිච්චසඬිකීනො;
පරභාගොපඪී ව, ඡළෙන දුක්ඛභාගිනො.

166.

සුමහත්තානි සත්තානී, ධාරයන්තා බහුස්සුතා;
ඡේත්තාරො සංසයානඤ්ච, කලිං යන්ති ලොභමොහිතා.

167.

නදීතීරෙ ඛතෙ කූපෙ, අරණීතාලවණ්ටකෙ;
න වදෙ දකාදී නත්ථිති, මුඛෙ ව වචනං තථා.

168.

සබ්බං සුභාති සොතෙන, සබ්බං පස්සති චක්ඛුතා;
න ව දිට්ඨං සුතං ධීරො, සබ්බං උච්චිතු මරහති.

169.

බාලාදපි ගහෙනබ්බං, යුත්තමුත්තමනීසිහි;
රවිස්සාවිසයෙ කිං න, පදීපස්ස පකාසනං.

170.

තස්මා හි පණ්ඩිතො පොසො, සම්පස්සං අත්තමත්තනො;
යොනියො විචිතෙ ධම්මං, ඵවං තත්ථ විසුජ්ඣති.

171.

කිං තෙන ජාතුජාතෙන, මාතුයොබ්බන්තභාරිතා;
ආරොහති න යො සක-වංසඅග්ගෙ ධජො යථා.

172.

සම්මා උපපරික්ඛිත්වා, අක්ඛරෙසු පදෙසු ව;
වොරසානො සියා සිස්සො, ගුරු වොරට්ටකාරකො.

173.

අදන්තදමනං සත්ථං, බලානං කරුනෙ මදං;
චක්ඛුසඬ්ඛාරකං තෙජං, උලුකානංථිවන්ධකං.

174.

නරත්තං දුල්ලභං ලොකෙ, විජ්ජා තත්‍ර සුදුල්ලභා;
කචිත්තං දුල්ලභං තත්‍ර, සත්ති තත්‍ර සුදුල්ලභා.

175.

යෙභුයොන හි සත්තානං, විනාසෙ පච්චුපට්ඨිතෙ;
අනායො නයරූපෙන, බුද්ධිමාගම්ම තිට්ඨති.

සුජනකණ්ඩ

176.

සද්ධාසිලාදිධම්මෙහි, සප්පන්තො සෙට්ඨමානුසො;
චුත්තො බුද්ධාදිසත්තෙහි, සාධුසප්පුරිසො ඉති.

සද්දාධනං සීලධනං, හිරිඔත්තප්පියං ධනං;
සුතධනඤ්ච වාගො ච, පඤ්ඤා වෙ සත්තමං ධනං.

යස්ස එතෙ ධනා අත්ථී, ඉත්ථියා පුරිසස්ස වා;
අදලිද්දොති තං ආහු, අමොසං තස්ස ජීවිතං.

තස්මා සද්ධඤ්ච සීලඤ්ච, පසාදං ධම්මදස්සනං;
අනුයුඤ්ජෙථ මෙධාවී, සරං බුද්ධානසාසනං.

177.

සඬ්ඛිරෙව සමාසෙථ, සඬ්ඛි කුඬ්ඛෙථ සන්ථවං;
සතං සද්ධම්මමඤ්ඤාය, සෙයොනා හොති න පාපියො.

178.

චජ දුජ්ජනසංසග්ගං, භජ සාධුසමාගමං;
කර පුඤ්ඤමහොරත්තං, සර නිච්චමනිච්චතං.

179.

යො වෙ කතඤ්ඤා කතවෙදී ධීරො,
කල්‍යාණමිත්තො දළ්භහත්ති ච හොති;
දුක්ඛිතස්ස සක්කච්ච කරොති කිච්චං,

තථාවිධං සප්පුරිසං වදන්ති.

180.

මාතෘපෙත්තිහරං ජන්තුං, කුලෙ ජෙට්ඨාපවායිනං;
සංභං සබ්බසම්භාසං, පෙසුණෙය්‍යප්පහායිනං.

181.

මච්ඡෙරවිනයෙ යුත්තං, සච්චං කොධාහිභුං නරං;
තං වෙ දෙවා තාවතිංසා, ආහු ‘සප්පුරිසො’ ඉති.

182.

කුලජාතො කුලපුත්තො, කුලවංසසුරක්ඛතො;
අත්තනා දුක්ඛප්පත්තොපි, භීතකම්මං න කාරයෙ.

183.

උදෙය්‍ය භාණු පච්ඡිමෙ, නමෙය්‍ය මෙරුඅද්දිපි;
සීතලං යදි නරග්ගි, පබ්බතග්ගෙ ව උප්පලං;
විකසෙ න විපරිතා, සාධුචාචා කුදාවනං.

184.

සුඛා රුක්ඛස්ස ඡායාව, තතො ඤාතිමාතෘපිතු;
තතො ආචෙරස්ස රඤ්ඤො, තතො බුද්ධස්සනෙකධා.

185.

භමරා පුප්ඵම්ච්ඡන්ති, ගුණම්ච්ඡන්ති සජ්ජනා;
මක්ඛිකා පුතිම්ච්ඡන්ති, දොසම්ච්ඡන්ති දුජ්ජනා.

186.

මාතුභීතො දුබ්භාසො හි, පිතුභීතො දුක්ඛිරියො;
උභො මාතුපිතුභීතා, දුබ්භාසා ව දුක්ඛිරියා.

187.

මාතුසෙට්ඨො සුභාසො හි, පිතුසෙට්ඨො සුඛිරියො;
උභොමාතු පිතුසෙට්ඨා, සුභාසා ව සුඛිරියා.

188.

සුනබො සුනබං දිස්වා, දන්තං දස්සෙති හිංසිතුං;
දුජ්ජනො සුජනං දිස්වා, රොසයං හිංසම්ච්ඡති.

189.

න ව වෙගෙන කිව්වානි, කත්තබ්බානි කුදාවනං;
සහසා කාරිතං කම්මං, බාලො පච්ඡානුතප්පති.

190.

කොධං වධිත්වා න කදාවි සොචති,
මක්ඛප්පහානං ඉසයො වණ්ණයන්ති;
සබ්බෙසං චුත්තං ඵරුසං බමෙථ,
එතං බන්තිං උත්තමමාහු සන්තො.

191.

දුක්ඛො නිවාසො සම්බාධෙ, යානෙ අසුචිසඬ්ඛකතෙ;
තතො අරිමිහි අප්පියෙ, තතොපි අකතඤ්ඤනා.

192.

ඔවදෙය්‍යා'නුසාසෙය්‍ය, අසබ්බා ව නිවාරයෙ;
සතඤ්ඤි සො පියො හොති, අසතං හොතිඅප්පියො.

193.

උත්තමත්තනිවාතෙන, කක්ඛළං මුදුනා ජයෙ;
නීවං අප්පකදානෙන, වායාමෙන සමං ජයෙ.

194.

න විසං විසම්ච්චාහ, ධනං සඬ්ඝස්ස උච්චතෙ;
විසං එකංව හනති, හනති සඬ්ඝස්ස සබ්බං.

195.

ධනමප්පමිපි සාධුනං, කූපෙ වාරිව නිස්සයො;
බහුංඅපි අසාධුනං, න ව වාරිව අණ්ණවෙ.

196.

අපත්ථෙය්‍යං න පත්ථෙය්‍ය, අවින්තෙය්‍යං න වින්තයෙ;
ධම්මමෙව සුචින්තෙය්‍ය, කාලං මොඝං න ඉච්ඡයෙ.

197.

අවින්තිතමිපි හවති, වින්තිතමිපි විනස්සති;
න හි වින්තාමයා හොගා, ඉත්ථියා පුරිසස්ස වා.

198.

අසන්තස්ස පියො හොති, සන්තෙ න කුරුතෙ පියං;
අසනං ධම්මං රොවෙති, තං පරාභවතො මුඛං.

199.

ගුණා කුබ්බන්ති දුතත්තං, දුරෙපි වසනං සතං;
කෙතකෙ ගන්ධං සායිත්වා, ගච්ඡන්ති භමරා සයං.

200.

පුබ්බජාතිකතං කම්මං, තං කම්මමීති කථායතෙ;
තස්මා පුරිසාකාරෙන, යතං කරෙ අතන්දිතො.

201.

මත්තිකපිණ්ඩතො කත්තා, කුරුතෙ යං යදිච්ඡති;
එවමත්තකතං කම්මං, මාණවො පටිපජ්ජතෙ.

202.

උට්ඨායොට්ඨාය බොධෙය්‍යං, මහබ්භය මුපට්ඨිතං;
මරණඛ්‍යාධිසොකානං, කිමජ්ජ නිපතිස්සති.

203.

පාණා යථාත්තනොභිට්ඨා, භූතානමපි තෙ තථා;
අත්තොපමෙන භූතෙසු, දයං කුබ්බන්ති සාධවො.

සබ්බෙ තසන්ති දණ්ඩස්ස, සබ්බෙ භායන්ති මච්චුතො;
අත්තානං උපමං කත්වා, න භතෙය්‍ය න සාතයෙ.

204.

බාලො වා යදි වා වුද්ධො, යුවා වා ගෙහමාගතො;
තස්ස පූජා විධාතබ්බා, සබ්බස්සාභ්‍යාගතො ගරු.

205.

ආකිණ්ණොපි අසන්තෙහි, අසංසට්ඨොව හද්දකො;
බහුතා සන්තපාතෙන, ගච්ඡෙන උබ්බත්තෙනිධ.

බාලදුජ්ජනකණ්ඩ

206.

කායදුච්චරිතාදීහි, සම්පන්නො පාපමානුජො;
බාලොති ලොකනාථෙන, කිත්තිතො ධම්මසාමිනා.

207.

දුටින්තිතවින්ති වෙව, දුබ්භාසිතභාසිපි ව;
දුක්කටකම්මකාරී ව, පාපකො බාලමානුජො.

208.

අතිපියො න කාතබ්බො, බලො කොතුහලං කරො;
සිරසා වහමානොපි, අඬිඬුරො සටො යථා.

209.

සප්පො දුට්ඨො බලො දුට්ඨො, සප්පා දුට්ඨතරො බලො;
මන්තොසධෙහි තං සප්පං, බලං කෙත්තුපසම්මති.

210.

යො බාලො මඤ්ඤති බාලාං, පණ්ඩිතො වාපි තෙනසො;
බාලො ච පණ්ඩිතමානී, ස වෙ බාලොති වුච්චති.

211.

මධුව මඤ්ඤති බාලො, යාව පාපං න පච්චති;
යදා ච පච්චති පාපං, අථ දුක්ඛං නිගච්ඡති.

212.

න සාධු බලවා බාලො, සාහසා වින්දතෙ ධනං;
කායස්ස හෙදා දුප්පඤ්ඤො, නිරයං සොපපජ්ජති.

213.

සරෙ දුට්ඨො මුසිකො ච, වනෙ දුට්ඨො ච වානරො;
සකුණො ච දුට්ඨො කාකො, නරෙදුට්ඨො ච බ්‍රාහ්මණො.

214.

දීඝා ජාගරතො රත්ති, දීඝං සන්තස්ස යොජනං;
දීඝො බාලානසංසාරො, සද්ධම්මං අවිජානනං.

215.

තිලමත්තං පරෙසඤ්ච, අප්පදොසඤ්ච පස්සති;
නාලිකෙරම්පි සදොසං, බලජාතො න පස්සති.

216.

නත්තදොසං පරෙ ජඤ්ඤා, ජඤ්ඤා දොසං පරස්සතු;
ගුය්හො කුම්මාව අඬිගානී, පරදොසඤ්ච ලක්ඛයෙ.

217.

ලුද්ධං අත්ථෙත ගණ්භෙය්‍ය, ථද්ධං අඤ්ජලිකම්මනා;
ජන්දානුවත්තියා මුල්භං, යථාභූතෙන පණ්ඩිතං.

218.

යථා උදුම්බරපක්කා, බහි රත්තකා එව ච;
අන්තොකම්ල සම්පුණ්ණා, එවං දුජ්ජනහදයා.

219.

යාවජ්චම්පි චෙ බාලො, පණ්ඩිතං පයිරුපාසති;
න සො ධම්මං විජානාති, දබ්බි සුපරසං යථා.

220.

වරඤ්චෙ නාධිගච්ඡෙය්‍ය, සෙය්‍යං සදිසමත්තනො;
එකවරියං දළ්භං කයිරා, නත්ථි බාලෙ සභායතා.

221.

අජාතමතමුල්භානං, වරමාදයො න චන්තිමො;
සකිං දුක්ඛකරාවාද-යොන්තිමො තු පදෙ පදෙ.

222.

දුජ්ජනෙන සමං වෙරං, සබ්බාඤ්චාපි න කාරයෙ;
උණ්භො දහති වඨගාරො, සීතො කණ්භායතෙ කරං.

223.

දුජ්ජනො පියවාදී ච, නෙතං විස්සාසකාරණං;
මධු නිට්ඨති ජිව්හග්ගෙ, හදයෙ හලාහලං විසං.

224.

දුජ්ජනො පරිභාතබ්බො, විජ්ජායාලඨකතොපි ච;
මණ්ණා භූසිතො සජ්ජො, කිමෙසො න භයඨකරො.

225.

නාළිකෙරසමාකාරා, දිස්සන්තෙපි හි සජ්ජනා;
අඤ්ඤෙ බදරිකාකාරා, බහිරෙව මනොහරා.

යථාපි පන සපක්කා, බහි කණ්ටකමෙව ච;
අන්තො අමතසම්පුණ්ණා, එවං සුජනහදයා.

යථා උදුම්බරපක්කා, බහි රත්තකමෙව ව;
එවං කිම්උසම්පුණා, එවං දුජ්ජනහදයා.

226.

දොසහිතො අනාරම්භො, තං කා පුරිසලක්ඛණං;
කොභාජිණිණහයා නනු, භොජනං පරිභීයතෙ.

227.

පයොපානං භුජඬිගානං, කෙවලං විසවඬිඪනං;
උපදෙසො හි මුළුභානං, පකොපාය න සන්තියා.

228.

න යාතබ්බං න ගන්තබ්බං, දුජ්ජනෙන සමං ක්වචි;
දුජ්ජනො හි දුක්ඛං දෙනි, න සො සුඛං කදාවිපි.

229.

අබද්ධා තත්ථ බජ්ඣන්ති, යත්ථ බාලා පභාසරෙ;
බද්ධාපි තත්ථ මුච්චන්ති, යත්ථ ධීරා පභාසරෙ.

230.

පරිත්තං දාරුමාරුය්හ, යථා සීදෙ මහණිණුවෙ;
එවං කුසිතමාගම්ම, සාධු ජීවිපි සිද්ධි;
තස්මා තං පරිවජ්ජෙය්ස, කුසිතං හීනවිරියං.

231.

සද්ධාසීලාදිසම්පත්තො, සුමිත්තො සාධුමානුසො;
තාදිසං මිත්තං සෙවෙය්ස, චුද්ධිකාමො විචක්ඛණො.

232.

දානාදිගුණසෙට්ඨෙහි, මිදිතබ්බො මිත්තො හි බො;
තාදිසං අවඬිකෙනෙව, මනසා භජෙය්ස සුඨි.

333.

හිතක්කරො පරො බන්ධු, බන්ධුපි අහිතො පරො;
අහිතො දෙහජො බ්‍යාධි, හිතං අරඤ්ඤමොසධං.

234.

පරොක්ඛෙ කිච්චහන්තාරං, පච්චක්ඛෙ පියවාදිනං;
වජ්ජයෙ තාදිසං මිත්තං, විසකුම්භං පයොමුඛං.

135.

ධනභීතෙ චෂෙ මිත්තො, පුත්තදාරා සහොදරා;
ධනචන්තෙව සෙවන්ති, ධනං ලොකෙ මහාසබ්බා.

236.

ජාතියා පෙසනෙ හච්චෙ, ඛන්ධෙව බ්‍යසනාගමෙ;
මිත්තඤ්ච ආපදිකාලෙ, හරියඤ්ච විභවක්ඛයෙ.

237.

උස්සෙව බ්‍යසනෙ චෙව, දුබ්භික්ඛෙ සත්තුච්ඡිග්ගහෙ;
රාජද්වාරෙ සුසානෙ ච, යො තිට්ඨති සො ඛන්ධවා.

238.

න 2 විස්සසෙ අමිත්තස්ස, මිත්තඤ්චාපි න විස්සසෙ;
කදාපි කුපිතෙ මිත්තෙ, සබ්බදොසං පකාසති.

239.

මාතා මිත්තං පිතා චෙති, සභාවා තං තයං භිතං;
කම්මකරණතො චඤ්ඤෙ, භවන්ති භිතබුද්ධියො.

240.

ආපදාසු මිත්තං ජඤ්ඤා, යුද්ධෙ සුරං ඉණෙ සුචිං;
හරියං බිණෙසු විත්තෙසු, බ්‍යසනෙසු ච ඛන්ධවං.

241.

සකිං දුට්ඨඤ්ච යො මිත්තං, පුන සන්ධාතූමිච්ඡති;
ස මච්චුමුපගණ්හාති, ගබ්භං අස්සතරී යථා.

242.

ඉණසෙසො අග්ගිසෙසො, රොගසෙසො තථෙව ච;
පුනප්පුනං විචඬ්ඨන්ති, තස්මා සෙසං න කාරයෙ.

243.

පදුමංව මුඛං යස්ස, වාචා චන්දනසීතලා;
තාදිසං නො පසෙවෙය්‍ය, හදයෙ තු හලාහලං.

244.

න සෙවෙ ඵරුසං සාමී, න ච සෙවෙය්‍ය මච්ඡරී;
තතො අපග්ගණ්හ සාමී, නෙව නිග්ගහිතං තතො.

245.

කුදෙසඤ්ච කුමිත්තඤ්ච, කුකුලඤ්ච කුබන්ධවං;
කුදාරඤ්ච කුදාසඤ්ච, දුරතො පරිවජ්ජයෙ.

246.

සීතවාටො ඛණ්ඩමිත්තො, එරුසො අප්පමිත්තකො;
උපමා එත්ථ ඤාතබ්බො, සුරියවන්දරාජුතං.

247.

අහිතා පටිසෙධො ව, හිතෙසු ව පයොජනං;
බ්‍යසනෙ අපරිච්චාගො, ඉතිදං මිත්තලක්ඛණං.

248.

පියො ගරු භාවනීයො, වත්තා ව වචනක්ඛමො;
ගම්භිරඤ්ච කථං කත්තා, නො වට්ඨානෙ නියොජකො;
තාදිසං මිත්තං සෙවෙය්‍ය, භූතිකාමො විචක්ඛණො.

පියො ගරු භාව නීයො, වත්තා ව වචනක්ඛමො;
ගම්භිරඤ්ච කථං කත්තා, නො වට්ඨානෙ නියොජකො.

යම්හි එතානි යානානි, සංවිජ්ජන්තිධ පුග්ගලෙ;
සො මිත්තො මිත්තකාමෙන, අත්ථකාමානුකම්පතො;
අපි නාසියමානෙන, භජිතබ්බො තථාවිධො.

249.

ඔරසං කතසම්බන්ධං, තථා වංසක්කමාගතං;
රක්ඛකො බ්‍යසනෙහි, මිත්තං ඤෙය්‍යං චතුබ්බිධං.

250.

පියො ගරු භාවනීයො, වත්තා ව වචනක්ඛමො;
ගම්භිරඤ්ච කථං කත්තා, න වට්ඨානෙ නියොජකො;
තං මිත්තං මිත්තකාමෙන, යාවජීවම්පි සෙවියං.

පියො ගරු භාවනීයො, වත්තා ව වචනක්ඛමො;
ගම්භිරඤ්ච කථං කත්තා, නො වට්ඨානෙ නියොජකො;
තාදිසං මිත්තං සෙවෙය්‍ය, භූතිකාමො විචක්ඛණො.

රාජකණ්ඩ

251.

මහාජනං යො රඤ්ජෙනි, චතුහිපි චත්ථුහි වා;
රාජාති වුච්චතෙ ලොකෙ, ඉති සල්ලක්ඛයෙ විද්වා.

252.

දානඤ්ච අත්ථවරියා, පියවාවා අත්තසමං;
සඬගහා චතුරො ඉමෙ, මුනින්දෙන පකාසිතා.

දානම්පි අත්ථවරියතඤ්ච, පියවාදිතඤ්ච සමානත්තතඤ්ච;
කරියවරියසුසඬගහං බහුතං, අනවමතෙන ගුණෙන යාති සග්ගං;

දානඤ්ච පෙය්‍යවජ්ජඤ්ච, අත්ථවරියා ච යා ඉධ;
සමානත්තතා ච ධම්මෙසු, තත්ථ තත්ථ යථාරහං;
එතෙ බො සඬගහා ලොකෙ, රථස්සාණිව යායතො.

253.

දානං සීලං පරිච්චාගං, අජ්ජවං මද්දවං තපං;
අක්කොධං අවිහිංසඤ්ච, ඛන්ති ච අවිරොධනං;
දසෙතෙ ධම්මෙ රාජානො, අජ්ජමත්තෙන ධාරයන්තං.

254.

එකයාමං සයෙ රාජා, ද්වියා මඤ්ඤෙව පණ්ඩිතො;
සරාවාසො තියාමොව, චතුරාමො තු යාවකො.

255.

අපුත්තකං සරං සුඤ්ඤං, රට්ඨං සුඤ්ඤං අරාජකං;
අසිප්පස්ස මුඛං සුඤ්ඤං, සබ්බසුඤ්ඤං දලිද්දත්තං.

256.

ධනම්චිෂෙ වාණිෂෙය්‍ය, විජ්ජම්චිෂෙ භෂෙ සුතං;
පුත්තම්චිෂෙ තරුණිත්ථිං, රාජාමච්චං ඉච්ඡාගතෙ.

257.

පක්ඛිනං බලමාකාසො, මච්ඡානමුදකං බලං;
දුබ්බලස්ස බලං රාජා, කුමාරානං රුදං බලං.

258.

බමා ජාගරියුට්ඨානං, සංවිභාගො දයික්ඛණා;

නායකස්ස ගුණා එතෙ, ඉච්ඡිතබ්බා සතං සදා.

259.

සකිං වදන්ති රාජානො, සකිං සමණබ්‍රාහ්මණා;
සකිං සප්පුරිසා ලොකෙ, එස ධම්මො සනන්තනො.

260.

අලසො ගීහි කාමභොගී න සාධු,
අසඤ්ඤතො පබ්බජිතො න සාධු;
රාජා න සාධු අනිසම්මකාරී,
යො පණ්ඩිතො කොධතො තං න සාධු.

261.

ආයං බයං සයං ජඤ්ඤා, කතාකතං සයං ජඤ්ඤා;
නිග්ගහෙ නිග්ගහාරහං, පග්ගහෙ පග්ගහාරහං.

262.

මාතා පුත්තකතං පාපං, සිස්සකතං ගුරු තථා;
රාජා රට්ඨකතං පාපං, රාජකතං පුරොහිතො.

263.

අක්කොධෙන ජිනෙ කොධං, අසාධුං සාධුනා ජිනෙ;
ජිනෙ කදරියං දානෙන, සච්චෙනාලිකවාදිනං.

264.

අදන්තදමනං දානං, දානං සබ්බත්ථසාධකං;
දානෙන පියවාචාය, උන්නමන්ති නමන්ති ච.

අදන්තදමනං දානං, අදානං දන්තද්වසකං;
දානෙන පියවාචාය, උන්නමන්ති නමන්ති ච.

265.

දානං සිනෙහහෙසජ්ජං, මච්ඡෙරං දොසනොසධං;
දානං යසස්සිහෙසජ්ජං, මච්ඡෙරං කපණොසධං.

266.

න රඤ්ඤා සමකං භුඤ්ජෙ, කාමභොගං කුදාවනං;
ආකප්පං රසභුත්තං වා, මාලාගන්ධවිලෙපනං;
චත්ථසබ්බමලඬ්ඛකාරං, න රඤ්ඤා සදිසං කරෙ.

267.

න මෙ රාජා සබා හොති, න රාජා හොති සමකො;
එසො සාමිකො මය්හන්ති, විත්තෙ නිට්ඨං සණ්ඨාපයෙ.

268.

නාතිදුරෙ භජෙ රඤ්ඤො, නච්චාසන්තෙ පචාතකෙ;
උජ්ජකෙ නාතිනිත්තෙ ච, න භජෙ උච්චමාසනෙ;
ජ දොසෙ චජ්ජෙ සෙවකො, අග්ගිච සංයතො තිට්ඨෙ.

න පච්ඡතො න පුරතො, නාපි ආසන්තදුරතො;
න කච්ඡෙ නොපි පට්ඨාතෙ, න වාපි ඔණතුණ්ණතෙ;
ඉමෙ දොසෙ විචජ්ජෙත්වා, එකමන්තං යිතා අහු -

269.

ජජ්ජෙන මන්තෙන සුභාසිතෙන,
අනුජ්ජදානෙන පචෙණියා වා;
යථා යථා යත්ථ ලභෙථ අත්ථං,
තථා තථා තත්ථ පරක්කමෙයා.

270.

කස්සකො වාණිජො මච්චො, සමණො සුතසීල වා;
තෙසු විපුලජාතෙසු, රට්ඨමිපි විපුලං සියා.

271.

තෙසු දුබ්බලජාතෙසු, රට්ඨමිපි දුබ්බලං සියා;
තස්මා සරට්ඨං විපුලං, ධාරයෙ රට්ඨභාරවා.

272.

මහාරුක්ඛස්ස ඵලිනො, ආමං ඡින්දති යො ඵලං;
රසඤ්චස්ස න ජානාති, බීජඤ්චස්ස විනස්සති.

273.

මහාරුක්ඛපමං රට්ඨං, අධම්මෙන පසාසති;
රසඤ්චස්ස න ජානාති, රට්ඨඤ්චස්ස විනස්සති.

274.

මහාරුක්ඛස්ස ඵලිනො, පක්කං ඡින්දති යො ඵලං;
රසඤ්චස්ස විජානාති, බීජඤ්චස්ස න නස්සති.

275.

මහාරුක්ඛුපමං රට්ඨං, ධම්මෙන යො පසාසති;
රසඤ්චස්ස විජානාති, රට්ඨඤ්චස්ස න නස්සති.

නායක කණ්ඩ

276.

අනායකා විනස්සන්ති, නස්සන්ති බහුනායකා;
ථිනායකා විනස්සන්ති, නස්සන්ති සුසුනායකා.

277.

ගවං චෙ තරමානානං, උජුං ගච්ඡති පුඬ්ගවො;
සබ්බා ගාථී උජුං යන්ති, නෙත්තෙ උජුං ගතෙ සති.

278.

එවමෙව මනුස්සෙසු, යො හොති සෙට්ඨසම්මතො;
සො සචෙ ධම්මං චරති, පගෙව ඉතරා පජා.
ගවං චෙ තරමානානං, උජුං ගච්ඡති පුඬ්ගවො;
සබ්බා ගාථී උජුං යන්ති, නෙත්තෙ උජුං ගතෙ සති.

එවමෙව මනුස්සෙසු, යො හොති සෙට්ඨසම්මතො;
සො සචෙ ධම්මං චරති, පගෙව ඉතරා පජා;
සබ්බං රට්ඨං සුඛං සෙති, රාජා චෙ හොති ධම්මිකො.

279.

නොදයාහ විනාසාය, බහුනායකතා භූසං;
මිලායන්ති විනස්සන්ති, පද්මාන්තාක්කෙහි සත්තහි.

280.

සුතාරක්ඛො අභියොගො, කුලාරක්ඛො චත්තං භවෙ;
විජ්ජා හි කුලපුත්තස්ස, නායකස්සාපමාදකො.

පුත්තකණ්ඩ

281.

අභිජාතං අනුජාතං, පුත්තමිච්ඡන්ති පණ්ඩිතා;
අචජාතං න ඉච්ඡන්ති, යො හොති කුලගන්ධනො.

282.

පඤ්චට්ඨානානි සම්පස්සං, පුත්තමිච්ඡන්ති පණ්ඩිතා;

හතො වා නො හරිස්සති, කිච්චං වා නො කරිස්සති.

283.

කුලවංසො චිරං තිට්ඨෙ, දායජ්ජං පටිපජ්ජති;
අථ වා පන පෙතානං, දක්ඛිනං අනුපදස්සති.

284.

බහුපුත්තෙ පිතා එකො, අවස්සං පොසෙති සදා;
බහුපුත්තා න සක්කොන්ති, පොසෙතුං පිතරෙකකං.

285.

පුත්තං වා භාතරං දුට්ඨු, අනුසාසෙය්‍යා නො ජහෙ;
කිත්තු ඡෙජ්ජං කරං පාදං, ලිත්තං අසුචිනා සියා.

වෙජ්ජාවරිය කණ්ඩ

286.

ආයුබ්බෙදකතාභ්‍යාසො, සබ්බෙසං පියදස්සනො;
අරියසීලගුණොපෙතො, එස වෙජ්ජො විධියතෙ.

287.

නානාගන්ථජානනඤ්ච, සුදිට්ඨකම්මසම්පදා;
දක්ඛතා හත්ථසීසතා, පසාදසුරසත්තිතා.

288.

සාභාවිකතඨ්ඛණික-ඤාණසුභාසිතාපි ච;
උස්සාහො දබ්බො සබ්බතා, වෙජ්ජාවෙරස්ස ලක්ඛණං;

289.

කිලිට්ඨවත්ථං කොධො ච, අනිමානඤ්ච ගම්මතා;
අනිමත්තිතගමනං, එතෙ පඤ්ච විවජ්ජියා.

290.

දිට්ඨකම්මතා සොචඤ්ච, දක්ඛතා විදිතාගමො;
චත්තාරො සුභිසක්කස්ස, සුගුණා විඤ්ඤානා මතා.

291.

රුජාය ජයලක්ඛණං, රසො ච හෙසජ්ජම්පි ච;
තිලක්ඛණහෙදො වෙච, විඤ්ඤෙය්‍යො භිසක්කෙන වෙ.

දාසක කණ්ඩ

292.

අන්තොජාතො ධනක්කීතො, දාසබොයාපගතො සයං;
දාසාකරමරානීතො-ච්චෙවං තෙ චතුරා සියුං.

293.

පුබ්බුට්ඨා පච්ඡානිපාතී, දින්නස්ස ආදායීපි ච;
සුකතකම්මකරො ච, කිත්තිවණ්ණහරොපි ච.

294.

දාසා 0.0177 පඤ්චෙව චොරයා-සබ්බාකාත්තසාදිසා;
තථා විඤ්ඤාහි විඤ්ඤෙය්‍යා, මිත්තදාරා ච ඛන්ධවා.

ඉත්ථිකණ්ඩ

295.

දාසා ලොකිත්ථියො නාම, චෙලා තාසං න විජ්ජති;
සාරත්තා ච පගබ්භා ච, සිඛි සබ්බසසො යථා;
තස්මා තායො හිත්වාන, බුහෙය්‍යා විචෙකං සුඛි.

දාසා ලොකිත්ථියො නාම, චෙලා තාසං න විජ්ජති;
සාරත්ථා ච පගබ්භා ච, සිඛි සබ්බසසො යථා;
තා හිත්වා පබ්බජීස්සාමි, විචෙකමනුබුහයං.

296.

ලොකෙ හි අභිගතා නාම, කොධනා මිත්තහෙදිකා;
පිසුකා අකතඤ්ඤා ච දුරතො පරිවජ්ජයෙ.

297.

යථා නදී ච පන්ථො ච, පානාගාරං සභා පපා;
එවං ලොකිත්ථියො නාම, තාසං කුජ්ඣන්ති පණ්ඩිතා.

298.

සබ්බා නදී වඨිකගතී, සබ්බෙ කට්ඨමයා වනා;
සබ්බිත්ථියො කරෙ පාපං, ලහමානෙ නිවාතකෙ.

299.

සටකුම්භසමා නාරී, තත්ථඨගාරසමො පුමා;
තස්මා සතඤ්ච අග්ගිඤ්ච, නෙකත්‍ර යපයෙ බුධො.

300.

ඉත්ථිනඤ්ච ධනං රූපං, පුරිසානං විජ්ජා ධනං;
භික්ඛුනඤ්ච ධනං සීලං, රාජානඤ්ච ධනං බලං.

301.

පඤ්චාරත්ථා සුගන්ධබ්බා, සත්තාරත්ථා ධනුග්ගහා;
එකමාසා සුභරියා, අඬ්ඬමාසා සිස්සා මලා.

302.

ජිණ්ණෙ අන්තං පසංසෙය්‍ය, දාරඤ්ච ගතයොබ්බතෙ;
රණපුනාගතෙ සුරං, සස්සඤ්ච ගෙහමාගතෙ.

303.

ද්විතිපති නාරී වෙව, විහාරද්විති භික්ඛු ව;
සකුණො ද්විතිපාතො ව, කතමායාබ්භුතරා.

304.

රත්ති විනා න චන්දිමා, වීචිවිනා ව සාගරො;
භංසවිනා පොක්ඛරණී, පතිවිනා කඤ්ඤා සොහෙ.

305.

අසන්තුට්ඨා යතී නට්ඨා, සන්තුට්ඨාපි ව පත්ථි වා;
සලජ්ජා ගණිකා නට්ඨා, නිල්ලජ්ජා ව කුලින්ථියො.

306.

වොරීනං බහුබුද්ධිනං, යාසු සච්චං සුදුල්ලහං;
ථිනං භාවො දුරාජාතො, මච්ඡස්සෙවො'දකෙ ගතං.

307.

අනලා මුදුසම්භාසා, දුජ්ජුරා තා නදීසමා;
සිදන්ති නං විදිත්වාන, ආරකා පරිවජ්ජයෙ.

308.

ආචට්ටනී මහාමායා, බුහ්මචරියවිකොපනා;
සිදන්ති නං විදිත්වාන, ආරකා පරිවජ්ජයෙ.

309.

ඉත්ථිපි භි එකච්චියා, සෙය්‍යා පොස ජනාධිප;
මෙධාවිතී සීලවතී, සස්සුදෙවා පතිබ්බතා;

310.

තස්සා යො ජායති පොසො,
සුරො හොස දිසම්පති;
තාදිසා සුහගියා පුත්තො,
රජ්ජමපි අනුසාසති.

311.

සල්ලපෙ අසිහත්ථෙන, පිසාවෙනාපි සල්ලපෙ;
ආසිවිසම්පි ආසිදෙ, යෙන දට්ඨො න ජීවති;
න ත්වෙව එකො එකාය, මාතුගාමෙන සල්ලපෙ.

312.

න හි සබ්බෙසු යානෙසු, පුරිසො හොති පණ්ඩිතො;
ඉත්ථිපි පණ්ඩිතා හොති, තත්ථ තත්ථ විචක්ඛණා.

313.

න හි සබ්බෙසු යානෙසු, පුරිසො හොති පණ්ඩිතො;
ඉත්ථිපි පණ්ඩිතා හොති, ලභුං අත්ථවිචිත්තිකා.

314.

කූපොදකං වට්ඨිජායා, සාමාථී ඉට්ඨකාලයං;
සීතකාලෙ හවෙ උණ්හං, උණ්හකාලෙ ව සීතලං.

315.

ඉත්ථියො එකච්චියාපි, සෙය්‍යා වුත්තාව මුනිනා;
හණ්ඩානං උත්තමා ඉත්ථී, අග්ගුපට්ඨායිකා ඉති.

පකිණ්ණකකණ්ඩ

316.

කුලසීලගුණොපෙතො, සබ්බධම්මපරායණො;
පථිණො පෙසනාජ්ඣක්ඛො, ධම්මජ්ඣක්ඛො විධියතෙ.

317.

වෙදවෙදඬිගතත්වඤ්ඤො, ජප්පහොමපරායණො;
ආසිවාදවචොයුත්තො, එස රාජපුරොහිතො.

කප්පො ඛ්‍යාකරණං ජොති – සත්ථං සික්ඛා නිරුත්ති ව;
ජන්දොවිචිති වෙනානි, වෙදඬිගානි වදන්ති ඡ.

318.

සකිං චුත්තගහිතත්තො, ලහුහත්ථො ජිතක්ඛරො;
සබ්බසත්ථසමාලොකී, පකට්ඨො නාම ලෙඛකො.

319.

සමත්තනීතිසත්ථඤ්ඤො, වාහනෙ පූරිතස්සමො;
සුරවීරගුණොපෙතො, සෙනාකුක්ඛො විධියතෙ.

320.

සුධි වාක්‍යපටු, පඤ්ඤො, පරචිත්තොපලක්ඛණො;
ධිරො යථාත්ථවාදී ච, එස දුතො විධියතෙ.

321.

පුත්තනත්තගුණොපෙතො, සත්ථඤ්ඤො රසපාවකො;
සුරො ච කථිතො වෙච, සුපකාරො ස චුච්චතෙ.

322.

ඉඨිගිතාකාරතත්තඤ්ඤො, බලවාපියදස්සනො;
අප්පමාදී සදා දක්ඛො, පතීභාරො ස උච්චතෙ.

323.

ඉත්ථිමිස්සෙ කුතො සීලං, මංසහක්ඛෙ කුතො දයා;
සුරාපානෙ කුතො සච්චං, මහාලොභෙ කුතො ලජ්ජා;
මහාතන්දෙ කුතො සිප්පං, මහාකොධෙ කුතො ධනං.

324.

සුරායොගො වෙලාලො ච, සමජ්ජවරණඨගතො;
බ්බිඨා ධුත්තො පාපමිත්තො, අලසො භොගනාසකා.

325.

ජීවත්තාපි මතා පඤ්ච, ඛ්‍යාසෙන පරිකිත්තිතා;
දුක්ඛිතො ඛ්‍යාධිති මුළුභො, ඉණවා නිච්චසෙවකො.

326.

නිද්දාලුකො පමාදො ච, සුඛිතො රොගවාලසො;
කාමුකො කම්මාරාමො ච, සත්තෙතෙ සත්ථචජ්ජිතා.

327.

ගොණාහි සබ්බගිහීනං, පොසකා භොගදායකො;

තස්මා හි මාතෘපිතූව, මානසෙ සක්කරෙය්‍ය ව.

328.

යථා මාතෘ පිතෘ භාතෘ, අඤ්ඤෙවාපි ව ඤාතකා;
ගාවො නො පරමා මිත්තා, යාසු ජායන්ති ඔසධා.

329.

අන්තදා බලදා චේතා, වණ්ණදා සුබදා තථා;
එතමත්ථවසං ඤත්වා, නාසු ගාවො හනිංසු තෙ.

330.

යෙ ව බාදන්ති ගොමංසං, මාතුමංසංව බාදරෙ;
මනෙසු තෙසු ගිජ්ඣානං, දදෙ සොතෙ ව වාහයෙ.

331.

ද්විගුණො ජීනමාහාරො, බුද්ධිවාපි චතුගුණො;
ජග්ගුණො හොති වායාමො, කාමොත්ථට්ඨගුණො භවෙ.

332.

න ලොකෙ සොහතෙ මුළ්භො, කෙවලත්තපසංසකො;
අපි සම්පිහිතෙ කූපෙ, කතච්ඡ්ජො පකාසතෙ.

333.

කොසජ්ජං භයතො දිස්වා, වීරියාරම්භඤ්ච බෙමතො;
ආරද්ධවීරියා හොථ, එසා බුද්ධානුසාසනී.

334.

විවාදං භයතො දිස්වා, අවිවාදඤ්ච බෙමතො;
සමග්ගා සබ්බො හොථ, එසා බුද්ධානුසාසනී.

335.

පමාදං භයතො දිස්වා, අප්පමාදඤ්ච බෙමතො;
භාවෙථට්ඨචිගිකං මග්ගං, එසා බුද්ධානුසාසනී.

336.

ගරහා ව පසංසා ව, අනිච්චා තාවකාලිකා;
අප්පකාවෙකදෙසාව, න තා ඉක්බේය්‍ය පණ්ඩිතො;
ධම්මාධම්මංව ඉක්බේය්‍ය, අත්ථානත්ථං හිතාහිතං.

කවිදප්පණනීති

1.

පබ්බක්කපුරසෙට්ඨස්ස, පච්ඡිමෙ ආසි විස්සුතො;
චතුරාවුතදෙසම්භී, කතරයගාමො සුසොභතො.

2.

ද්විතො ද්විවෙක සාකම්භී, තම්භී ජාතෙන ජාතියා;
ලඬකාභාරතආදීසු, වුට්ඨපුබ්බ සුතෙසිනා.

3.

විසුතාරාම සිභානං, සික්ඛිතෙන තිපෙට්ඨං;
සන්තිකෙ නවවස්සානි, සංගීතිකිච්චකාරිනා.

4.

දක්ඛිණාරාම වාසිනං, සන්තිකෙපි සුවිඤ්ඤානං;
සික්ඛිතෙන සත්තවිස-වස්සිත්වාන යසස්සිනා.

5.

සුන්දරෙ පුරසෙට්ඨම්භී, සුන්දරෙ විසුතෙ සුභෙ;
සුන්දරෙ ජොතිපාලම්භී, වසතා ගණවාචිනා.

6.

නිස්සාය පෙට්ඨකෙ වෙව, අනෙකනීති පොත්ථකෙ;
බහුලෙ ගන්ථසෙට්ඨෙපි, කතොයං විදුමානිතො.

7.

තිට්ඨතං අයං මෙ ගන්ථො, සුසාරො යාව සාසනං;
තිට්ඨතෙව සුතෙසිනං, සුසාරං සුපකාසයං.

8.

අනෙත සුවිසිට්ඨෙන, පුඤ්ඤෙතඤ්ඤෙත කම්මුනා;
මනිසිහිගුරුභෙව, ගච්ඡෙයාං අමතං සිවං.

“අඬගාරිතො දානි දුමා භදන්තෙ”

“යථාපි රම්මකො මාසො, ගිම්භානං හොති බ්‍රාහ්මණ;
අතෙ ‘ව’ඤ්ඤෙහි මාසෙහි, දුමපුම්ඵෙහි සොභති”.

“වනප්පගුම්ඛෙ යථච්ඡස්සිතග්ගෙ,

ගිම්හාන මාසෙ පඨමස්මිං ගිම්හෙ’’ –

නමො තස්ස භගවතො අරහතො සම්බ්‍රාහ්මඥ්ඤස්ස

පණාම පටිඤ්ඤා

චත්ථත්තයං නමසිත්වා, ආචෙරෙ කච්ඡුඨගචෙ;
කස්සං ද්වාදසමාසානං, ඛන්ධං තම්මාසවසිකං.

1.

චිත්තසම්මතමාසො හි, අතෙචඤ්ඤෙහි සොහති;
රම්මකමාසො රම්මමාසො, තෙනෙච චොභාරො භවි.

2.

තස්මිං සුවිත්තමාසමිහි, නාගදුමා සුපුජ්ඵරෙ;
පුජ්ඵත්ති අසනදුමා, වායන්ති කානනෙ හි චෙ.

3.

සඬකන්ත මහුස්සචොපි, තමිහි මාසමිහි චත්තතෙ;
ගන්ධොදකෙහි අඤ්ඤොඤ්ඤං, සිඤ්චමානා සුමොදරෙ.

යථාපි රම්මකො මාසො, ගිම්හානං හොති බ්‍රාහ්මණ;
අතෙ ‘ච’ ඤ්ඤෙහි මාසෙහි, දුමපුජ්ඵෙහි සොහති.

සම්බුද්ධො චිත්තමාසස්ස, කාළපක්ඛෙ උපොසථෙ;
පාතොයෙච සමාදාය, පචරං පත්තච්චරං;
අනුකම්පාය නාගානං, නාගදීපමුපාගමි.

4.

චෙසාඛච්චයමාසො තු, සුවිසිට්ඨො සුපාකටො;
ලොකග්ගනාථං පටිච්ච, සන්තෙහි අහිලක්ඛිතො.

5.

තමිහි චෙසාඛමාසමිහි, චම්පකාපි සුපුජ්ඵරෙ;
බොධිං දකෙහි සිඤ්චිත්වා, සජ්ජනා සම්පමොදරෙ.

6.

චනෙසුව පොතකාපි, පක්ඛන්දන්ති දිසොදිසං;
විකුජන්තා සභාසාය, ජනසොතරසායනං.

දුතියෙ දිවසෙ හත්ත-කාලෙ ආරොචිතෙ ජිනො;
රම්මෙ වෙසාබ්මාසම්භි, පුණ්ණාමාසං මුනිස්සරො.

7.

ජෙට්ඨසම්මතමාසොපි, සොගතජනබ්භන්තරෙ;
විඛ්‍යාතො ලක්ඛඤ්ඤො වෙව, ජෙට්ඨෙන සංයුතො හි වෙ.

8.

තස්මිංහි ජෙට්ඨමාසම්භි, සුමනා වනමල්ලිකා;
පුප්ඵන්ති ච පවායන්ති, සබ්බජනමනොහරා.

9.

පරික්ඛණාසුසභාපි, අභවි මුනමාමණ්ඩලෙ;
බෙතලෙ ජෙට්ඨජොතිපි, පජ්ජලි තස්මිඤ්ඤි වෙ.

10.

ආසාළ්භො නාම මාසොපි, අතීච විසිට්ඨො භවි;
පටිසන්ධිං ගණ්භි බුද්ධො, තස්මිඤ්ඤි මුනි සුධි.

11.

නික්ඛම්පි ච සම්බුද්ධො, ධම්මචක්කං පචත්තයි;
උපසම්පදකම්මම්පි, කරොන්ති තස්මිංපි හි.

12.

පුත්තාගදුමා පුප්ඵන්ති, පවායන්ති දිසොදිසං;
ආදිච්චො තිට්ඨති තම්භි, උත්තරායානකොට්ඨං.

13.

සීහෙ සාවණමාසම්භි, සලාකදානමුත්තමං;
දෙන්ති සාධචො මානුසා, සද්දහන්තා චත්ථුත්තයං.

14.

පුප්ඵන්ති කට්ටරුභාපි, තම්භි සාවණමාසකෙ;
බෙ සචණනක්ඛත්තම්පි, අතීච ජොතයි හි වෙ.

15.

චස්සබ්භන්තරභූතෙ ච, සමණා සුගතොරසා;
මාසෙ වාචනඋග්ගණ්භ-කම්මංකංසු සුඛාසයා.

16.
කඤ්ඤාරාසිසම්මතෙහි, පොට්ඨපාදසුමාසකෙ;
නදීසු දකපුරිතා, කටපත්ථතසාදිසා.
17.
නාවාමහාඋස්සවම්පි, කරොන්ති මානුජා තදා;
කීළන්ති සම්පමොදන්ති, විජිතෙ නර නාරියො.
18.
කඤ්චනයමදුමාපි, විකසන්ති තදා හි වෙ;
මෙසො ටොකං ටොකං හිමං, වස්සති පතතිපි ව.
19.
වස්සිකෙ අස්සයුජිම්හි, විකසන්ති අනෙකධා;
පදුමාදිදකජානි, පුජ්ථානි මනුඤ්ඤානි වෙ.
20.
මහාපදීපපන්තිහි, සකලමුනමාභූතලෙ;
පුජෙන්නි ලොකග්ගනාථං, සාධවො සොගතාජනා.
21.
තපොධනා විවරන්ති, වස්සංවුට්ඨා දිසොදිසං;
සාධවො දානසොණ්ඩාව, සීතායන්ති සුඛන්ති ව.
22.
කත්තිකමාසසෙට්ඨෙපි, සම්පමොදන්ති මානුජා;
කොසිතකීපුජ්ථානි ව, විකසන්ති වායන්ති ව.
23.
කට්ඨමහාදානම්පි, දදන්ති සාධවො ජනා;
තදා චන්දකිරණොපි, අතිව පජ්ජොතො අහු.
24.
අහොසි හිමපාතො ව, උත්තරවාතො පවායති;
කත්තිකජොතිජණොපි, අහොසි තස්මිඤ්ඤි වෙ.
25.
ධනුරාසිමාගසිර, මාසෙ හෙමන්තසම්මතෙ;
සත්තිධරසුපුජාවහ, සහාපි සම්පවත්තිතා.

26.
දෙවසම්මතපුප්ඵනි, මනුඤ්ඤරුචිරානිපි;
පුප්ඵනි තම්හි මාසම්හි, හිමපානො අහොසි ව.
27.
විභයො හොන්ති පක්කා ව, බෙත්තෙසු මුනමාභුතලෙ;
මිගසිරනක්ඛත්තම්පි, ජොතෙති ආකාසධගණ.
28.
මකාරෙ චුස්සමාසෙපි, පුප්ඵනි පවායන්ති ව;
සුනීලවල්ලිපුප්ඵනි, ජනමනොහරානිපි.
29.
සෙනාඛ්‍යහම්පි කරොන්ති, භූපාලා මුනමාරට්ඨිකා;
සපරිසා උදික්ඛන්ති, හත්ථිඅස්සාදිආදයො.
30.
තම්හිපි අතිසීතලම්පි, දක්ඛිණායනකොට්ඨං;
අට්ඨාපුණ්ණමදිනම්හි, සුරියො ලොකමානිතො.
- බොධිතො නවමෙ මාසෙ, චුස්සපුණ්ණමියං ජිනො;
ලංකාදීපං විසොධෙතුං, ලඬ්ඛාදීපමුපාගමි.
31.
කුම්භෙසු මාසමාසෙහි, තුලදුමා සුපුප්ඵරෙ;
පුම්භාලා මධුරරසං, මානුජානං දදන්ති ව.
32.
යාගුමහාඋස්සවොපි, පාකටො මුනමාභුතලෙ;
අවසෙසසු මෙසොපි, ථනයං අභිවස්සති.
33.
නරනාරී මනුඤ්ඤානි, පදරානි පණ්ඩානි ව;
පුච්ඡන්දදුමා නව-පත්තානි ධාරෙන්තිපි ව.
34.
මිනෙ ඵග්ගුණමාසම්හි, සුරහිගන්ධිකා සුභා;
පුප්ඵනි වනම්හි දුමා, නවපත්තෙහි සොහරෙ.

35.

දක්ඛිණදෙසතො තම්හි, වාතො පවායති හි වෙ;
වාච්කපිටියෙ වාලුක-ථූපෙ කත්ථාන පූජය්‍යං.

36.

පථමගිම්හ මාසම්හි, නානාදුමාති පුජ්ඵරෙ;
තෙන සබ්බම්පි විජිනං, විචිත්තං දස්සනියඤ්ඤි වෙ.

විසුතෙ ජොතිපාලම්හි, විසුතම්හි නිකෙතනෙ;
වසතා නෙකගන්ථානං, ලෙඛකෙන කතො අයං.